



明詩平論


二集卷
十二

五律

四

黃承聖一首	楊補一首	徐波十首	胡梅一首	沈顥三首	張屈一首	毛晉一首	錢龍惕一首	王元懋一首	馮舒一首	俞南史一首	錢秉鐙二首	冒襄一首	周岐一首
-------	------	------	------	------	------	------	-------	-------	------	-------	-------	------	------

黃翼聖四首	陳宗之七首	文震亨二首	劉錫名十二首	閔先一首	蔡維寧一首	董漢策一首	陸貽典一首	歸莊一首	吳鵬先一首	孫淳一首	劉芳一首	吳道新一首	何亮功一首
-------	-------	-------	--------	------	-------	-------	-------	------	-------	------	------	-------	-------



邵彌一首	章美二首	管正傳一首	周惟正二首	許元功一首	凌一槐一首	釋性筏一首	徐彥一首	徐煜興一首	葉襄二首	褚篆一首	朱陵三首	俞南藩一首	徐泰一首	徐增二首	徐燔熿一首	費誓一首	杭蕢三首	王倪一首	朱鳳章一首	周治一首	錢位坤一首	張澤七首	釋自扁四首
------	------	-------	-------	-------	-------	-------	------	-------	------	------	------	-------	------	------	-------	------	------	------	-------	------	-------	------	-------

周岐

○阻風燕子磯

曉日淡無力。沉沉吹墮。向東壯濤堪碎石。欹閣怪當楓。

力亂朝疑雨。檣多夜聽風。傾囊無握粟。何以慰途窮。

何亮功

○喜休那先生忽至

呼童重秉燭。病態近何如。有口真狂士。無家豈索居。老拳藏短袖。小品出奇書。尊酒江樓興。何須食嘆魚。

冒襄

○鷓鴣源觀溪水

清淺如泓玉。芳漪拂細烟。織波羅帶狹。簇浪鏡花圓。翠鳥。炤無色。寒潭別有天。猶憐濺錦石。疑是雨花泉。

吳道新

○晚宿高郵

數葦襍檣竿，孤城落淺灘。鳧飛烟氣散，湖浸夕陽寬。月
遠，啣山小，風鮮射日酸。呼童頻貰酒，前路更當寒。

錢秉鐙

○南園襍咏

草閣經時下，床頭萬卷尊。官為閒刺史，客是舊王孫。病
起童精藥，人來雀護門。南村如卜宅，倘可伴朝昏。

○紫溪道中

鷄鳴深竹裡，隔水見人家。壤黑多栽漆，烟青識焙茶小
姑能縛筏，老嫗善乘槎。暑氣蒸秧馬，紛紛出稻花。

劉芳

○黃山襍詩

十二首
錄一

險絕尋幽境，凡枝是古藤。短松身百結，頽竈影微燈。遮

夢惟高月，荒句牽雲獨老僧。清風拂巖半，俯視越兢兢。

又泉底一峯動亦奇，景又濕翠粘頽趾，凝烟
束凍腰，清遠披秋墨，柔藍散穉髮，俱佳句。

俞南史

○喜顧能毅荆溪過訪

閉戶正深念，故人親

來

叩關知君溪水

上

見我夢

郡

中山夢中山是籠統語

率爾問家事從容闕

宜平易

看字 舊

顏。專美清不厭，詎肯便言還。

相知真率泛朕交往即
欲作此等語不可得

孫 淳

○巢居詩

和韻

為領湖山好，邀雲共一巢。愛文留翡翠，知足羨鷓鴣。承
露添余飲，批風進客肴。海棠花發未，登木任譏嘲。

馮 舒

○出刑部獄初寓邸中

八首錄一

痛定猶思痛，經冬歎纍囚。扶搖看羊角，太息望烏頭。本
謂天常定，還愁鬼有謀。祇今無用憶，併作夢中遊。

吳振鵬

○題馬叔明巢居

恭人稱集木，偏爾興奇哉。揖客為猿上，排雲喚鳥來。風
柯驚卧郡，天酒接行杯。莫以凌霄險，高危試更猜。

王元懋

○莫畏

莫畏常爲客。霜華壓鬢來。中寒天令虐。善病酒關開。數
卷千場夢。孤衾隻雁哀。遠心聞禁柝。無味五更催。

歷落壯憤
得杜之骨

歸莊

○寺寓接家信未得歸

空囊來寄食。往往畏人憎。破屋經旬雨。疎窗獨夜燈。何
心長作客。無計可酬僧。百里家鄉路。扁舟未敢登。

錢龍惕

○柴門

一帶新榆綠。柴門蔽老梅。晚晴蠅蚋亂。秋暑木棉開。雞
埒低墻角。牛宮壞土堆。寂寥無可語。雲盡暮山來。

陸貽典

○閨春和韻

春賴閨加添。圍碁勝事兼。焚香供怪石。移局傍疎簾。簇
勢侵中路。攢花占角尖。最宜長日雨。窗外冷纖纖。

毛晉

○和春深詩

何處春深好。春深賣酒家。射洪醜竹葉。劉白釀梨花。玉

珮三洲客。金貂七貴車。風前拚一醉。遲日未云斜。

董漢策

○題半月泉

新月入泉澗。瓊宮失所司。行雲留不住。秋水澹相羈。地
軸開青眼。天工寫白眉。萬年清冷意。茲影令人思。

張屈

○野望

偶為天地客。想見古風存。鄉曲通耆舊。相思寄笑言。明
光晴白水。幽寂雨黃昏。府主無煩事。連峯與華門。

蔡維寧

○新月

故。故。客。邊。新。奈。予。遊。倦。人。欲。遮。林。一。葉。才。露。瓦。餘。鱗。仄。
正。安。無。定。寒。纒。照。不。勻。望。歸。天。外。路。展。轉。共。如。輪。結

沈顥

○懷匡山

匡廬一掬裏。雪眼嗽天根。奇句時落凍僧影。不逢飛鳥痕。
夢中石門路。月照柴桑村。神到語春水自此遠。幽期空復

存

朴衷幽響不可
以跡象求之

○其仲貽酒錢快成

罵世果皆醉。到予難獨醒。病猶寬藥譜。渴欲毀茶經。是
月有佳月。吉星來酒星。經旬試開眼。春老花冥冥。

老致如疎
梅古石

○歸來

近事那堪問。歸來江上秋。有生難免累。不醉易為愁。落
葉開蓬徑。斜陽閉水樓。獨憐垂釣處。霜滿子陵裘。

中唐
風味

閔先

○周君治齋中夜坐

踏燈候子至。彌見是深交。厚積一門雪。寒吹四壁膠。疎
烟淺鼠徑。直樹險烏巢。冷淡貧家事。清茶冰夜敲。

胡梅

○和黃奉倩山居

歲寒山氣肅。住久土風淳。靈境多瑤草。太就荒途總敗

榛。雪封猿竇栗。風墮雀巢薪。谷口思相訪。君如鄭子真。

亦率

劉錫名

○得黔中家報

手跡真堪倚，虜情如面言。始知黔尚在，敢信汝還存。片紙經多難，開函安一門。十旬無意緒，憑此暫招魂。

工部支流

元歎

○○古江姪生母死黔圍中唁之

承寵翻為誤，生還志已乖。兒啼感將吏，警切魂弱怯邊崖。

通德傳誰續，智瓊祠可哀。睢陽曾享士，汝幸尚全骸。恰有

此結

○惠山古松

名泉山籍甚，復占一株松。起手法異人向影中古，雲看

濤外重，僧衰陳往事。石恠得相從，敦迫同舟客。因君緩

去踪。

全用唱歎頓動本題不須實語襯貼章法老立意高

○送古靈女子歸詩四首錄二

女子疎于父，余于汝不朕。母慵身代字，子劣意加憐。真至

語但何意內則晨昏語，宜家雪月天。舅姑推昔分，相送

得安眠。壻家胡氏舊為中表兄弟

○又

幾歲晨昏梵清勤學父為遺風全祖母小輩一經師對法

擬雪憐童慧調羹憶母慈他年繼靈照此日咏關雎

○白龍洞

在堯峰相傳有白龍省母于此歲一至石壁一龕為湛川師坐禪處

滌洞石似水絕壁遂能深鑄字苔難蝕如龕洞莫尋老

龍省母跡古德坐禪心二事已今古慚余方一臨結亦老

○管待庵歸襯長安暫泊胥口悼以四律

錄

畏死妻孥手魂歸襯不前咏觴今已矣城郭故依狀遠

開書詩力空囊宦隱仙長途終譽處一疏聖人憐

○蒼雪扈芷二師過代巢

齋日方依佛相尋見淨緣松陰澄午寂蘿氣養晴烟靜

朴天中影風騷教外禪漸欣人事少庶可數周旋

○荒庵夜泊

扁舟無意泊偶為磬聲留木脫鴉如葉寫出荒寒雲荒水一

樓病僧扶杖晚塵佛背牆秋草路更微月冷風來不休

○卽中師過談兼懷伯氏

曠士如霜月高巖不易親一燈常共夜四顧歎無鄰短

景深談過虛窗落葉頻天親還在念西向憶殺秦

○夏秋亢旱七夕前有餉新黍者志愧

憔悴歌雲漢。三時力未齊。勞人蚤致此。安坐愧勤齋。香色沾初雨。艱難念晚畦。食新償底事。喜懼戒山妻。

溫厚宛折

○立秋日遠志見過喜公在坐

共是淨名徒。單衣露數珠。入林禪悅聚。寓奕世情枯。夏去天如醒。涼來人始孤。逢君日易過。茗粥對雙梧。

徐波

○陽羨淨公寓疾荒齋仲秋辭去便問問訊

盛夏深村住。秋期仍出關。藥烟昏古屋。笠影在它山。塵帳蛛如織。空巢燕偶還。此歸勤入觀。常坐只如閒。

○宿弁山寺同周虛生

雲峰終不近。石路寺門前。霜蔓懸瓜重。風庭聚葉圓。風字上見清切殘燈連曙鳥。衆響雨。小人鳴泉。愛此清虛夜。同君得晏眠。

○除夕念顧默孫失約

曾許同遲暮。俄狀歲已遷。扁舟常在眼。携手又明年。夜雨吹燈後。花寒倚杖邊。天涯雙寂莫。轉可見相憐。

○簡華亭鄭明府求一雀鷓

苔面無人破常思一雀行孤琴宜有伴短柵已先成快

剪字涼宵夢將窺獨立情華亭名產在誰復解長鳴

○寓園送歲

未何嘗得歲力歲去豈關人送得扯淡久客兒童長貧

家鷄犬親髮疎容到白夢好為兼春流轉芳年慣何勞

用病身

○王德操三世單傳不如葷血七十初舉一手社中

賦之

晚子猶居長生機故未窮一啼傾賀客餘乳益衰翁泡

影存三世蔬根接素風慙人相問訊只作弄孫同

謔得有趣不妨柔厚

○樓雨望蕪香山下梨花

聚處千株雪臨窗一望平冷烟投易化高閣照嘗明看

漸生微綠開難值小晴雨中雙白燕具有惜花情

三五淡淡不着相狀移它花不得故妙

○寒樓晚眺念姚雲峰病起

斜日明遙岸孤村人鳥歸溪雲隨水化山色捲簾微藥

力持屏質吟聲滿破扉。衰遲念親友并復愛餘暉。

氣厚似韋

○久寓天龍與衍門常過奉倩曉巢

宅近茅庵路相從不厭頻。詩箋連四壁茗飲具三人。乞食難稱客行游易過春。還鄉計轉決我自愛吾隣。

○榭葉笠

取蔭惟圓影由來千葉成。魚鱗相次密蟬翼未云欲輕。挂壁僧思借窺林鳥不驚。蓋頭心計廣茅屋更須營。

附句 盥掌槎 雪挑灰炙硯水 月明新到 客花影獨眠 友道游方覺情言醉後多

風光隨獨鳥霜力獻新洲 破瓶流積凍覆鉢 印圓塵 乘流一平視雲水畧相當 烟中孤 棹響花夜雨湖香 麥芟微迳直菱占一溪灣 烟薄難離竹風微只動蘭 溪靜如無歲冰

輕不拒舟

文震亨

○六月廿四荷花生日 二首 錄一

舊氏稱溪客新封署眾香。有絲皆命縷無子不連房。四面無衰相。千花共吉祥。想當擎雨後更吐夜珠光。花中十客

蓮為溪客四面 觀音蓮花名也

巧而不纖

○由石窟望湖中青浮白浮諸山如在几案兩洞庭
在縹緲間蒼翠撲人眉睫坐而忘返愈上則愈
奇而余足繭目疲復從覺如所啜茗而歸步步
惜別

湖勢渾無際山名半號浮更從松轉徑愈見水吞舟鳥
道蹇蘿入螺龕破壁求杖藜嫌遽返奇絕未能留

楊補

○望天都峰

不待知名異尊雄儼望中一根惟直上羣帝此相通龍

氣命今古雷威秘始終難思烟霧裡其頂竟何窮昔有人登

頂雷雨隨洗其徑

陳宗之

○賣輿

此物驕吾足棄之良有原已甘徒步苦兼省僕夫喧花
暖賒長耳沙深喚短轆綠油扉底客若箇免乘軒

○晚眺

北郭晚晴天雲霞澤國鮮稻芒籠蟹罩菱葉打魚船大
柳新鷗宿荒墩病犢眠眼前真楚楚池上月初弦

○過異度師園居時多傷逝之感四首錄一

病骨抱搖落，復兼傷逝深。老成留碩果，神理惜亡琴。師友三生淚，文章後死心。鄭重溫深平居飛動意，悽咽是知音。

○晚泊寶應謁元君祠

傑閣河壩畔，嚴冬肅客舫。萬鴉屯樹黑，百雉凍雲青。岳瀆環三界，風雷列五丁。應知造化力，來往仰威靈。

○紅線

漳水銅臺揭，佳人夜獨遊。仙根凡數盡，國難主恩酬。紅雪刀圭嫩，青鋒劍術收。酒幾人知大俠，踪跡半神謀。

、家園

新綠坐蒙密，當階護水田。蜺旂樓欲繡，蝸瀑壁皆泉。腕怯慵書鬼，囊羞澁酒錢。南牀青月吐，竹外幾時圓。

○又

綠蔓懸墻出，朱魚擲洞浮。養烟成藥塢，鬢水作花洲。雞黍德公過，琴尊陶宰留。自欣塵外想，灌木亂吟秋。

附句 厭雨聽鳩婦安筒引蜜王 石火刀三

寸雲帆婦半帚 檢書從女乞淪茗喚妻嘗

牧童驅野馬 鮫女斫沙碁 魚批銀鬣短蟹繡

鍊衣肥 鑿壁挨茶日移書浣筆床 彩虹蓮

掌秀花露

茵脂黃

黃承聖

○紺泉為汰公賦

峰頭掃亂烟。洗出一枝泉。清冷源流異。甘香供養偏。醒
心忘早歲。撫掌類逢年。定力神呵護。機緣詎偶然。

黃翼聖

、秋晚訪元歎故鄣山居

寒近客難久。淹留見汝情。全家共晨夕。肴核出經營。樓
晚積山色。村孤聞棹聲。荒寒如歷應知別後夢。烟水更分明。

○渡黃河

禹跡無尋處。空傳疏鑿年。濁泥旋作浪。荒岸遠于天。白
有蘆橫港。青無山。過船江南烟。樹眼到此一茫然。

字字是渡不犯賦黃河實位此趁題之妙

○沈去疑行後余而先至下相夜話志喜

各歎風波滯。輕裝羨爾先。別來通夕夢。意外一尊緣。蘸
水初更月。撥絃何處船。旅歡那可久。燈火促分眠。

瑣瑣入情

○渝城度歲

二首錄一

風俗他鄉異。巫歌達四鄰。江明無月夜。猿喚不眠人。眷

屬生兼死。年光臘帶春。客中艱一醉。辜負物華新。

邵彌

○題贈伯敬先生

披幄試秋爽。葉殷霜氣先。欲雲山自別。不雨水仍鮮。息影群峰表。尋吟瘦樹前。偶忘林外好。石蘚厚于錢。

釋自肩

○飼飢鳥

近人非爾性。雪甚奈飢何。散粒情稍慰。防機慮尚多。翅寒時撲漉。喙凍自摩挲。晴色猶難必。飛翔勿厭過。

○貝葉齋二沙彌薙髮

發心先後別。落髮一時同。愛重膚同捨。身輕累早空。影圓雙鏡呪。花試兩衣風。秀潤貝葉家詮在。它年學並通。

○一笠庵

編初生葉想。取蔭在圓齊。霜重花渾壓。額寒月未西。出林懸不帶。入画小爭題。秀似李才江雀斃誰能擁。書燈伴夜栖。

○謝州來見贈木棉新褶

洛遊多上客。貂破朔風前。枯稿吾何質。鮮華有此緣。芝

荷湘隱製榭葉嶽居編慙愧頭陀行平生一衲便。

附句 園蔬春半雨隴笛午餘晴 藤月立殘

夢竹燈吟倦身 一窗文選日四壁菊花天

小院清陰足

閒身道品香

章美

○出塞曲

秋原燒不盡天騎壓邊陲劍戟霜花動風沙朔氣披
開七伐鼓龍合八方旗斗大樓蘭首今看漆酒卮

力追初盛

○潤城春了

春事與誰同疎衣四月風羊眠坡舊綠燕啄樹新紅
路客休涼礪楊花逐暖風未知江上月多少到簾櫳

婉約芊綿得詩之韻

張澤

○○棲鴉

漸欲成來去已若紛紛泊林聲帶晚遷出霜分落月歸雨
記炊烟葉散知秋改羣寒見影連應慚無遠志謀食雁

行前

○新夏雨中簡雲子仲木

鄰烟才着午，風雨似初晨。寒暖臨窗半，初夏景色眼前道不出意警語

渾或是偶得或經百煉總非率爾可辨青黃夾樹新。晚晴將整幘，隔水憶

殘春。想見林廬處，琴書惠愛親。

○病中

此時三嘆意，悔使一身輕。藥氣繁心止，燈光曉夢爭。淹

留過短晷，皇遽想平生。極時真景能常存此意去道不遠强欲忘前事，

如何耿耿情。

○同衍波聽雲虎丘後溪泛舟因過佛惠

細雨終殘日，聲過落雁初。柳長門未暗，梅散棹能疎。句似

湊斜港隣分火，寒村晚借蔬。瑣事幽趣沿洄愁易盡，燈火及

林廬。

○與雲子衍波菴中夜坐

松古徑難暝，悵狀山月光。起行栖鳥散，襍坐墊橋荒。良

友懷中事，寒林夢裡霜。淡至髣髴不可為象心甫十年踪跡異，今

夕可能量。

○旨齋

日色到門靜，幽懷如可尋。鳥翻秋樹影，雨隔夜燈深。一

月坐無事，空齋閒此心。淡遠有悟寒琴與殘菊，相對助微吟。

○冬盡過雲子虎丘便歸

有懷非一節，惻惻去留遲。別子無閒日，空山又此時。聲
在筆墨之外 幾家寒傍水，數鳥凍栖枝。菲薄今誰託，窮年失所之。

管正傳

○贈張幼青見訪

故人騎雀至，別久若新知。豪氣任寥廓，高談無近時。白
青予汝眼，大小古今兒。傲對酒吟佳句，春風落帽遲。

錢位坤

○代程桓思寄內

深閨望柳陌，一曲下秋韃。妙舞迴輕雪，微歌托楚天。文
君因酒力，飛燕失風前。翻恨黃昏近，離愁更可憐。

周惟正

○維陽道中雨

未改繁華舊，門開瓦礫間。震隣何處檄笛送晚隔江。

山送晚舫艤愁中路，茱萸夢裡灣。却憐花月地，風雨放

那關

○長興姚賞延雨中止予松閣

君亦賞松閣。訪余山雨中。三年通此信。一世見斯翁。素髮挂清雪。竹冠流古風。門前維艇子。正及桃花紅。

似有意步趨震甫而格法自不稚弱

附句 月移青嶂塔雨過綠簑船 岸語同鄉

客燈光舊酒家 柳烟飛客舫竹日挂僧鞋

但令兒下食且以石當關 雪浪茅花走

頰山土脉乾 玉切傷荷藕香蒸出水菱

周治

喜雨 端午次日

蒲香猶似節人醉雨聲中。書屋燈微溼。花渠溜暗通。曉
簑烟滿岸。夜網柳初風。自媿方為客。吳山綠已同。

許元功

贈吳源長

峰轉幾灣水。如君是住山。因思太古靜。更見神仙閑。松
響落欹瓦。嵐光窺閉關。梅時半月雨。日夜聞潺湲。

朱鳳章

避暑嵩山林下

境出層烟外。清涼始得全。因思好風在。恍遲幽人眠。山
合不生路。妙林深欲改。天一陰已莫。極何獨此為。狀結

凌一槐

○隣農

共井如兄弟。相依幾歲週。鳴鷄三徑曉。落葉兩家秋。警仗溪南犬。耕呼岸北牛。年年祈賽裏。同棹醉歸舟。

王倪

、村中曉起

微雨潤初暎。朝華烟露村。鳥飛爭出樹。人起各開門。真朴農鍾侵泥濕。漁罾動水渾。勞勞民事內。生計不堪論。

釋性篔

○野庵早起

鳥啼春樹曉。自起掃柴門。人語橋頭市。雞聲雪後村。暗黃流井脉。細綠長莎痕。已有山農過。陰晴與共論。

杭蕢

○鹿城夜泊

孤舟停宛宛。客子勉相怡。山郭傳更早。寒漁報鼓遲。一

一遲俱水嚴冬。酒後月。肅夜交時。真景引夢向蕭屑。徘徊

仍有思。結

○至夜和非兀

無端天亦醉。節序不須知。野屋關門早。窮村貰酒遲。北

風人散後南國夜長。肯石榻通宵冷。陽回詎可期。

氣悲語渾
澄練得來

○次韻送非兀

不堪君此去。日暮客途難。山雪長鑱柄。江雲短釣竿。心期皆汗漫。足跡僅蹒跚。記取薇拳長。春風亂石灘。

徐彥

○灌園

新竹透牆出。斫來成果筐。楊梅三伏紫。橙橘九秋黃。花戶酒盈甕。石林書滿牀。悠哉灌園叟。身世渾相忘。

費誓

○題武子丘樊隱

世事今無問。丘樊喜落成。閒雲酣石影。古雀睨琴聲。酒自疎籬出。烟從嫩草生。坐深空俗想。不必入山行。

徐煜興

○貫酒滿壺頻

遠公初不餉。畢卓耻無能。伴月杯憐淺。依鄰價未增。饑寒貞士骨。醉醒讀書鐙。肯酒吾生事。忘名并愛憎。

徐燇燻

○訪朱雲子先生

齋敞容山氣，晴烟動野花。冷泉雙戶出，新竹半谿斜。有客皆如水，無峰不起霞。謀生難問策，韃戶註南華。

又山中詩如鶯黃來薛戶烟絲帶松房
石寒虫帶蘚杖響狄穿蘿絕有思致

徐增

○卽事

春早絕塵事，柴門靜不譁。風窗人費酒，雪樹鳥疑花。獨柳衝寒直，危橋向水斜。垂垂天欲暝，倚杖看歸鴉。

温秀語如對其人
令我欲傾家釀

示弟

看余年踰壯，鬱鬱竟誰陳。善病慚吾弟，謀生累老親。衰門應合儉，末世喜先貧。風雨雖如晦，毋令古道湮。

褚篆

○虎丘塔院望佛慧庵朱雲子所寓水亭

舟淺容輕渡，高岡綠到灘。荒庵松發茗，幽壑草疑蘭。小閣衝波動，春衫對水寒。遥遥難致語，峭蒨與同看。

徐泰

○春暮寄遠

櫻筍徵高會。風流正爾思。春歸花雨外。人病麥秋時。小店蘭陵酒。青山甓社詩。殷勤緘黛盒。誰画別來眉。

朱陵

○送方雷赴丹陽

此方予舊歷。念子未周旋。風景變過驛。琴書勞換船。柴車蒿岸曲。酒旆土橋邊。亦復壯遊事。無令鄉思綿。

○初冬過支硎山居

古岸高黃葉。虛堂透夕陽。朔風分雁陣。寒瀑動魚梁。沽酒宜兼酪。炊茅尚帶霜。夜來煨芋熟。深語共匡床。

○寓靈建寺

幽栖亦所慕。頗怪劇寒荒。城柝連清磬。厨烟隔妙香。涼深疑夜早。晴久覺秋長。羈旅兵戈際。飢驅益自傷。

俞南藩

○華山含光師法堂聽講

樹影分溪色。松風帶犬聲。僧翁上狷座。樵客過茶坪。花滿香難辨。山重翠易生。晚依禪榻臥。一線佛燈明。

葉襄

○北山晚眺

獨向高原望，孤城雉堞浮。紫楓山路晚，黃葉墓門秋。野
燒爭殘照，涼烟壓暮洲。蒼茫雲樹暝，極目轉生愁。

○秋夕旅懷

旅愁驚物變，涼月照空灘。萬木同寒雪，千山隔暮烟。蟲
心知夜苦，桐影怯秋單。搖落傷王粲，淒其獨倚欄。

補遺

丘民瞻一首

申紘祚二首

丘民瞻

○對雪選鍾譚集

荒江老屋裡，斟酌竟陵詩。相發空涼意，多搜幽曠辭。比
郊爲已細，視鳥固多姿。恰好前山雪，高寒到我眉。

申紘祚

○山庄

曲曲小漁磯，清泉護板扉。晝長看樹綠，春老送花飛。隔
岸鳥相和，開軒雲半歸。醉來吟不斷，新月正霏微。

○冬夜寄林若撫社長

居朕在空谷，明月滿堦除。竹翠安禪榻，花香醉客裾。遊
乎方以外，惜此歲之餘。學得如鸞嘯，乾坤等敝廬。

湯祖祐

○息莊

欲續松

楊穿

夢荒村更閉門野橋新斷板古樹老蟠根敗
少頰墻長月痕倚天長嘯處自覺布袍尊

卷十二終

明詩平論

二集卷十三

七律

葉向高二首

顧起元三首

董其昌九首

曹學佺六首

王思任七首

婁堅三首

葛一龍五首

尹伸三首

周祝一首

譚元春三首

唐時升一首

何喬遠三首

方震孺二首

高出一首

李維禎十八首

邢侗一首

鄒迪光六首

錢謙益十七首

程嘉燧八首

李流芳二首

沈德符九首

米萬鍾一首

鍾惺七首

馬之駿一首

吳鼎芳一首

蔡復一、二首

何吾驥一首

張燮二首

方孔炤二首
俞安期十首

韓上桂一首
徐遵湯二首

葉向高

○○和題方正學先生祠

燕歌一夜滿都城。此日雲霄奉聖明。不見官儀隨舊主。
猶聞天語喚先生。兩朝事往恩還在。十族魂消怨豈平。
爲問精靈何處是。雨花臺畔子規聲。

莊嚴警切如此等作
不得不推先輩風度

○南歸過清源少師霽宇王公遠來相送賦此言別
兼以爲贈

干戈何意動邊州。宵旰誰分聖主憂。班壓朝中仍出鎮。
功成塞外又歸休。十行手詔迎車勞。諸部夷王控馬留。
知是安危身尚繫。非熊勲業好全收。

李維禎

○御史大夫王公開府檀州督四鎮軍事

四首
錄二

運籌帷帳日從容。千里精神自折衝。桐鼓曲聲傳涿鹿。
柳城烽信接盧龍。海雲晴閃旌旗影。朔雪寒飛劍戟鋒。
馬駟關亭甌脫遠。春來甲士半歸農。

○又

日畿亭隧界扶桑。上將星躔北斗傍。武庫甲兵飛紫電。
名家事業出青箱。射鵬鳴鏑風斯下。歇馬論文夜未央。
狼子野心諸屬國。莫教鼙鼓動漁陽。

○趙太僕奉使豫章王邸便省覲司徒金陵

二首錄一

傳家幾許筵鵷鴻。世德高門自不同。九列官聯三品上。
一時人望兩京中。香秔粲雪司農賦。臬騎成雲太僕功。
早晚尚書臺竝入。承恩座隔御屏風。

盛唐風格大家舉止如此等
作于鱗極意處亦不能過

○隋宮次韵

繡柱珠簾玳瑁梁。別開西館象咸陽。百舉螢散華燈遠。
五斛螺供畫黛長。羽衛橫陳迷日景。綵花成樹奪春光。
琵琶新曲安公子。爲報并州有李郎。

○又

十年辛苦事遼陽。野鬼煩冤古戰場。氣盡英雄沉鴨綠。
情多兒女學鴉黃。飛郵果送同心結。迎輦花開竝蒂香。
尚食鏤金龍鳳蟹。隨潮猶貢舊時筐。

○送林民部之陪京

畫省新叅計相權。君恩深重賜環年。移來長度山郎令。

策有成書海王篇閭左已徵秦市籍江南猶告漢緡錢
含香起草諸曹事早晚封章達御筵

○又

旄牛徽外故多奇都入才人絕妙辭
木有十華浮若水蓮開千葉冒滇池
青菴勁卒飛軍號赤斧仙官主簿祠
洱海年年清夜色形如初五月生時

○送吳光祿擢滇郡倅

昆明簫鼓振樓船不似南征習戰年
天馬河收新產子碧雞山問舊遊仙
三郎廟貌青林外四姓軍容赤甲前

莫學姬鬻蠻府語專城叅佐貴中堅

○晉王舉中子開宴西園應教

離宮選勝自先朝况是充闔物色饒
園有桃花能結子庭蕃椒實遠揚條
五文摩頂麟兒石一曲將雛鳳女簫
更向九成臺奏鼓玉筐新燕語偏嬌

○南都

舊邦偏霸一隅雄帝命維新自不同
再開乾坤清朔漢雙懸日月啓鴻濛
春開蒼震青陽後斗直黃旗紫蓋中
率土王臣修職貢江流萬里亦朝東

○又

親提三尺渡江來。宇宙東南帝業開。不盡風雲生沛澤。方升海日見蓬萊。河山兩戒朝宗地。草昧諸臣將相才。高廟神靈時出王。龍文五色正昭回。

○又

旌旗劍佩擁椒除。尚想戎衣革命初。綠草不侵雕輦路。紅雲常護紫宸居。金銀宮闕三山外。烟雨樓臺六代餘。誰謂長江天作塹。八荒今日共車書。

○又

鍾山龍躍大江前。六位時乘起御天。述作聖明三紀度。本枝孫子萬人傳。黃圖漢室誅秦定。蒼籙周京卜鎬先。卽有新都開洛水。憂勤莫忘肇基年。

○爲茅生悼亡

壁間遺挂自流芳。明月南端引恨長。魂夢往來猶旦暮。神光離合乍陰陽。師爲素女圖空列。名曰玄妻鑑已亡。腸斷同心相結處。西陵松栢老禁霜。

○送順慶劉守

少年三紀領科名。執法風霜白簡生。遷客浮沉曾別駕。

爲郎拓落在陪京。

風調翩然旖旎蘊籍此律中要事也人于此等處多不着心眼如何欲言

聲韻

載携魚佩麟符去，遙向蠶叢鳥道行。開府南征師

未捷，于今郡將有干城。

○民部李起家水部

異代才情水部同，可知官屬大司農。書傳遁甲開山後，
職在河圖括地中。一自靈昆開別苑，憑誰厭勝起新宮。
曹郎不少含香奏，獨秉精誠達帝聰。

○讀馬仲履天都載作

辟雍多士與周旋，博學宏詞自斐然。籬落有行皆筆札，
輶軒無語不丹鉛。五千關令修玄訣，九百虞初志怪篇。
欲置帳中恒秘玩，都人好事已流傳。

○張侍御出守梧州

天開五嶺縮蒼梧，郡將專城佩虎符。銅鼓匏笙分部曲，
柳漿桂蠹出行厨。金留道士乘舟日，砂長仙翁煉藥壚。
聞道容江春色好，綠波渾似掌中珠。

顧起元

○送羅拙菴守敘州

雙旌五馬玉麟符，臺枕江流峙鬱孤。東望九關排虎豹，

西征萬里入魚鳧。才名共憶越君子。文學爭傳漢大夫。
同社故人偏感別。白門楊柳未藏烏。

○大司成李次卿兄晉少宗伯學士應召北上二首錄一

入朝將押紫宸班。秘史先成石室間。風采乍驚臨虎觀。
天香旋喜近龍顏。時聞赤羽傳三輔。歲遣朱輪訊百蠻。
拭目金鑾新詔下。侍臣初對浴堂還。

○莫愁湖

蕩漾澄湖玉鏡光。羣峰環黛畫螺長。酒人樓隱千波濶。
溪女船迴一水香。鷗夢不離捐珮浦。燕泥還上鬱金堂。

石城人去遺芳在。誰憶雙鴛向雒陽。

附句 誰傾萬斛銀河水自揭千門玉杵霜

天河兵洗蠻王砦月融人登漢將臺 調猿月

傷宵鐘起衝虎風從夜錫還 壽盃十斛金陵

酒舞彩三朝王府衣 瑤宮霞滿蒸丹荔珠浦

潮香躍

錦魚

邢侗

○秋日寄懷黃開府寧夏

洸河雙鯉綠波盈。書到加餐萬里情。晚磧蘭皋愁玉塞。
秋風羌管憶金城。盤中赤柰霜前果。塞外黃羊臘後羹。
聖主垂衣莫西顧。已將方畧付營平。

董其昌

○酬虞德園吏部

七○十○二○封○山○下○居○五○千○四○百○藏○中○書○文○人○自○具○生○天○慧○
吏○部○今○爲○選○佛○除○恍○惚○之○間○含○有○象○湟○槃○能○度○盡○無○餘○
慙○予○學○殖○多○荒○落○祇○作○空○緣○老○蠹○魚○

○送許水道

維揚淮海錫圭餘。雅愛焚香把道書。拙宦十年蒼水使。
論交半畝碧山居。瓊珠總逐廉泉出。龍性真于俗網疎。
任是風塵滿天地。可能磨滅許公渠。

、贈狄將軍

急管繁絃寫竹枝。聽來不作異方悲。六千君子舊名將。
兩隊美人新教師。便許羈心擦綠醕。可無佳句比紅兒。
若論湖海鷗盟在。再入桃源未可知。

三四麗詞響調千人
亦見餘恨欠警切

、杜日章將軍榆溪釣隱圖

濠梁之樂子非我。欸乃一曲秦無人。手鑄黃金爲少伯。
頭簪青笠比玄真。胡兒飲馬留泉脉。海客盟鷗問水濱。
烟艇莫言空載月。半營魚陣半談兵。

起手樹調森挺又本色結裏奇快無比

○贈劉夢胥黃門

中壘名聲重夕郎，十年江海又班行。金錐抗疏千秋論，玉尺量才萬丈光。遠左羽書飛赤白，甘陵龍戰灑玄黃。憂天亦有羣公疏，共道時艱倚召方。

○送李太史封秦藩

持節俄將視草虛，策文仍是史公書。人從真氣瞻星使，槎泛天河上斗墟。明月小山叢桂裏，新秋一葉剪桐初。娟秀離心已託南征雁，能到羅浮問起居。

○送蕭九生方伯

能將落葉等投簪，身世肥癯戰已酣。四嶽雲開飛斗北，兩峰秋爽憇湖南。時逢堯舜爲方伯，歸事羲皇亦子男。見說袞衣思吉甫，容宗踪跡久江潭。

○次韻訓葉少師臺山贈行

驅車宛葉逐遊塵，春出秋歸似雁臣。聞道晚來差喪我，論才少且不如人。石渠書擬讐同異，金屋恩須問故新。入洛媿虛先達薦，初衣仍返會稽薪。

○訓李京兆克菴備邊疏

清時共愛玉門開。歲歲名王事款關。何限乘軒邀上賞。幾誰越俎議行間。消磨細柳將軍壘。無恙燕支婦女顏。壯爾籌邊多勝算。先聲今已到天山。

附句 青螺拔地存堯市。白馬凌波立梵宮。人從隱後稱湖長。水在封中表谷王。名著青蒲臣似矢。家傳繁弱子爲弓。曲水竹林分左右。青山賓主列東南。谷名子午真盈一。坐守庚申不但三。子舍舞衣朱紱貴。春宮橫卷黑頭師。芝蘭一一分湘浦。楊柳依依似漢南。病解維摩非病處。才全莊叟不才中。

鄒迪光

○飯三茆宮

坐宮月闕俯嶙峋。宛轉徐攀百尺欄。天酒醉舖黃葉臥。胡麻炊和白雲餐。武林城傍真人席。羅刹江圍太乙壇。鳳管鸞簫吹不住。翠微高處擁仙官。

○謁禹陵

江漢懷襄大塊浮。胼胝誰復奠神州。黃金白錫千年貢。玉匣珠衣萬古丘。麋鹿空山疑世代。龍蛇畫壁走松楸。高颺蕭颯虛巖夕。能使防風地下愁。

○靈峰洞

洞甚軒敞似數間。大廈石級上下凡數百丈。始入。

鬱蕭臺殿鬼工妍。琢壑雕巖幾萬年。直入蒼穹方蹋地。

又窺玄極始捫天。山頭髮帶三芝草。洞口涎流五色泉。
石扇陡開霞蓋舉。懸知白日逐飛仙。

○舟過吳江

軟浪吹花匹練明。霞城如帶水虹橫。地多篁篠惟三戶。
人住菰蒲老一生。比岸漁舸齊結網。當秋茅屋盡添荆。
獨憐陌柳風流盡。不似王恭月下形。

○憇徑山環秀樓

絕巘開衢屈曲通。排空仙掌繫青驄。僧居地肺長啣日。
佛立天心但附風。峰勢虬龍多翼踢。泉流虹蜺有雌雄。

不須爲設桑門饌。石甲山毛腹可充。

○石梁洞

石屋耽耽駕石梁。不知閱盡幾滄桑。天關閃出雲霞片。
地肺潛生日月光。追琢尚留神斧跡。淋漓時瀉帝臺漿。
因嗤王烈塵心在。負却仙人大洞章。

附句 抹烟水面開初麗。束霧山腰舉漸輕。
觀海金輪躍出空中地。瑤島分明物外天。萬國
航瑛歸禹貢。千年驅石想秦鞭。登赤城山霞
旂高掛三千尺。天關雄圍十二城。印枝劈虎巖
猶在玉牒投龍澗。已荒遠左十道進援非實
額。入關索款是虛要。生駒絕食難存馬。掘雀爲
糧且及貂。孝陵玉匣春秋承。內使石鯨風雨
護材官。僧刺舌指血書經。指椎瑪璃流爲液。

舌片珊瑚屑作花羅什鍼攻
先不律神光血噴灑袈裟

曹學佺

○○送戚山人之內黃兼柬鄧遠游明府

三月鶯聲別故山，萋萋芳草照離顏。春光白下無多日。

夜月黃河第幾灣。

風韻天然可與季迪白下有山皆
遶郭清明無客不思家並美千古置

驛正當賓客盛，弄琴遙識使君閒。閨中易作刀頭夢，珍

重休過博望關。

○金陵懷古

六首
錄一

鍾阜商飈館已傾，至今哀壑起秋聲。針樓銀漢含情望，

畫屨金蓮逐步生。日落盧龍迷古戍，天寒白馬走空城。

不堪重理玄暉詠，極目澄江似練平。

右齊

○喜喻子奮陳有美至自潘州

端州別向嶺西涯，膩雨荒田走鹿車。乍爾離羣纔作客，
重來聚首復如家。千峰陽朔蓮爭吐，八月江城桂未花。
最羨北流山下過，可從勾漏覓丹砂。

○○送米彥伯還永州

看山興盡馬蹄忙，賸有煙霞納客裝。瀟水入湘終古碧，
零陵生草至今香。名句不磨月明不見孤峰雁，菊信遲開十

月霜歎息愚丘人已逝空聞欵乃過滄浪。

○送鄒孟磨

投荒半載歸無路肆力千秋念豈灰弭出預知今失計。
送君偏感昨同來。激昂頓挫端足下淚登臨已信山川美疾病
還憂瘴癘催為問故林泉石耗幾番風雨閉蒼苔。

○聞被留之報

蠻煙那可一朝居豈謂恒情獨反予臺使苦留頻削牘。
家人遄發復迴車敢云何有夷方陋聊覺相安漢法疎。
獨使少陵千古恨秦州城北草堂墟。

出語有體怨而不怒風人之遺也

錢謙益

○吳門寄陸仲謀大參

步屣相呼倒接巵東阡南陌夜歸遲檀槽奏罷翻新曲。
擘燭燒殘覆舊棋燕賞花時無主客催徵酒社有文移。
謝公底事情懷惡只為中年有別離。

○吳門送福清公還閩

拂衣歸揖武夷君九曲仙山帝許分釣碣自携新煉石。
臥床還弄舊書雲朝班改隸三元會錫命裁成十賚文。

斗柄瞻相仍在手，幔亭光氣夜氤氳。

○又

闔海爭傳嶽降神，匝天弧矢護生申。契丹使亦知元老，回紇占應見大人。代許孤忠留一柱，帝思耆德撫三辰。吳門咫尺隣閭闔，珍重東山五畝身。

○送兵部董侍郎總督宣大

幽并兩道建牙中，列帳蕭然靜朔風。千隊市場來種馬，百年御幄護槐龍。軍前揮扇油幢碧，閣裏傳籤畫燭紅。挿漢一峰屏障外，更煩前箸策遼東。

○乙丑削籍南歸途中作

單舸衝風滯楚州，淮陰南下又無舟。誰人解唱公無渡，對此真令我欲愁。黑浪粘天排宋鷁，赤雲夾日炙吳牛。頻年跨下橋邊水，招我勞勞已白頭。

○寒食日于王仲雪諸人小集津逮軒

屐引奚奴杖掛錢，隻雞近局許招延。貧家節物宜寒食，病伎風光似禁烟。茶白還爭分火侯，桃紅欲褪賣錫天。清平要著新詩寫，好記崇禎第一年。

○題淮陰侯廟

淮水城南寄食徒。真王大將在斯須。豈知隆準如長頸。
終見鷹揚歿雉鳩。落日井陘旗尚赤。春風鐘室草常朱。
東西塚墓今安在。好爲英雄奠一盂。
信母墓爲東塚
漂母墓爲西塚

○宿遷

枕畔車輪又一宵。荻簾土鏗共蕭條。棧爭惡草驢言怒。
炊仗殘通馬意驕。野集烟稀知罄盡。春田兆坼見龜焦。
溺人強笑誰相問。莫以愆陽歎聖朝。

○秋原耦耕

山堂之名耦耕爲予與孟陽結隱于此
也今改築于墓田之左仍揭其額以招

孟陽

罷亞風吹百頃香。秋原正面耦耕堂。宿田爲我耜稂莠。
卒歲輸他穫稻梁。黃犢烏犍經國具。水車秧馬救時方。
輟耕斗酒還相勞。耳熱休歌種豆章。

○白溝河題張于度屋壁

于度名果中新城人明經
篤行左魏諸公急徵皆主

其家

門外喧喧要路津。荻簾土鏗淨無塵。夕陽亭下頻留客。
廣柳車外每貯人。北寺生還餘我在。南冠歿別累君頻。
臨岐苦語真難忘。鄭重車中七尺身。

○次韻答金壇于惠生

千重地肺一溪雲，便闕東窓隔世氛。
五百年前逢薊子，三層閣上禮茅君。
曲城已種交梨樹，連石新栽倒薤文。
咫尺慧車栖隱地，滿頭白髮愧繽紛。

○○寄督漕張御史

漁陽遼海尚紛拏，粳稻東吳歲運賒。
鐵甕雲帆連析木，金堤春水泛桃花。
過淮燕賞兼歌杜，抵潞風光正及瓜。
一石幾鍾憑奏報，忍令膏血等泥沙。

○張玉笥中丞晉秩少司空總河奉旨召見在別山

堂賦

金陵鐵甕賴帡幪，新領河隄節鎮同。
橘柚秋苞長向日，桃花春水正分風。
馬銜沉璧開前路，龍護探珠徙舊宮。
千里洪河才一曲，恩波取次到江東。

○○田國戚奉詔進香岱嶽渡南海謁普陀還朝索詩
為贈

戚臣銜命報禱祥，玉節金函出尚方。
天子竹宮新望拜，貴妃椒室自焚香。
鯨波偃作慈雲色，蝗氣銷爲瑞日光。
岱嶽山呼那得並，海潮音裏祝吾皇。

○送徐德公秀才戊辰州兼簡石齋館丈

霜飛風擊白虹橫。終古還看馬角生。仗鉞不煩收李固。
舉幡已許訟陽城。爲臣爲友皆成是。從死從軍總一行。
太息輟耕何所道。炷香稽首頌王明。

○寄劉大將軍

頭顱參差出五兵。衝鋒略陣更專征。泰山石礪千行劍。
清濟流環萬壘營。擲地漆顛供飲器。漂池血。潘醮題名。
篋中亦有陰符在。悔挾陳編作老生。

○送孫光甫再守泉州

棠蔭秋來正蔚然。兒童竹馬又喧闐。繞城桐葉新幡戟。
夾路松聲舊管絃。問俗不須停皂蓋。之官仍是酌清泉。
他時溫詔如徵拜。記取重臨似潁川。

王思任

○韜光菴

雲老天窮結數楹。濤呼萬壑盡松聲。鳥來佛座施花去。
泉入僧厨漉菜行。一捺斷山流海氣。半株殘塔插湖明。
靈峰占絕杭州妙。輸與韜光得隱名。

李太虛太史神交有年。奉使過蕪。辱承佳什之贈。

輒和以謝

八公常欲礙劉安，七子仍嘲植與桓。有興頑曾偷息壤，無才老復嫁邯鄲。醉披漁髮三千丈，隱覓羊裘十八灘。極感王孫憐顆飯，而今不瘦任人看。

○寄贈何和陽總戎定海

東南半壁拜通侯，龍陣魚麗簇上游。大砲海天傳萬國，皂旗雲影扼三洲。風邊綃淚封鯨觀，月裏蠻歌到鶴樓。更羨麟章時畫錦，玉門部落峽山頭。

木難火齊絕非耳目近
玩然不可不欽其實貴

○招寶山

海門撐突是何年，老骨凌空拄石拳。大壑混茫千古氣，一江衝破四明天。驚帆膽藉雲邊定，畏壘心從障下堅。黃蛤濁醪看落照，十洲何必更神仙。

、至歷下怡雨

一官車耳廿年塵，西謫東遷未隱淪。三匝又依華不注，中原欲認李于鱗。龍蛇有骨隨雲老，海嶽初交得雨新。爲問古亭惟歷下，濟南名士幾彬彬。

、題靈福寺松

禿髯醉罷戲叅龍，夢醒千年化怪松。更疊蓮花青蓋簇，

仍歸金界碧琉封。踢開瀚海鰲常呌。閃却莎蘿兔不春。
每到月明人倚處。飄然幾磬接山鍾。

○贈九江兵使梁懸黎年兄

稜層鶴骨照冰壺。幾鎮回翔起壯圖。特借豫章求棟柱。
暫移廊廟駐江湖。庾樓月靜人三楚。廬嶽雲深鳥二狐。
王粲雖貧仍有賦。應分鱗鮓醉春醑。

附起句

微波如縠繡城南人影初寒落鏡潭

中句

過嶂紫深俱化鐵塞河號急不容水

紅花白雪珠三弄繡襦銀盆玉一團 帝觴
餘瀝飛蒼雨 天術勾陳怙紫烟 雲聲不禁隨
雞出雪興從來到竹西 秋高
白雁聞寒杵 露晚青蘋發濕花

程嘉燧

○過滁州方伯雨學舍

一從射策罷南宮。淪落滁山一醉翁。經術流傳歆父子。
文章風骨漢西東。徂年青鏡韋編裏。過客荒亭斷碣中。
老厭雕蟲餘習在。莫云詞賦似揚雄。

○懷東臯

種柳栽桃乍滿岡。約爲漁佃住隣庄。但同伏臘東西社。
不問元龍上下床。拂水正堅安石臥。屏風橫枕浣溪堂。
何時鋤破東臯雨。一段茶窠百本桑。

○書枯木怪石次比玉除夕韻

常○年○餞○臘○有○新○茶○添○却○庭○梅○點○歲○華○爭○喜○小○兒○能○愛○客○
只○嫌○老○子○不○歸○家○池○塘○無○夢○傷○春○草○門○巷○多○時○厭○雪○花○
貧○病○亦○知○難○慰○意○漫○圖○枯○木○向○君○誇○

○瓜洲雨中閑健吾携榼見餉走筆遣意

江○雲○沸○白○雨○如○銀○挈○榼○銜○泥○愧○所○親○樓○上○獨○窺○壺○內○客○
市○中○爭○看○筑○旁○人○鴟○夷○老○去○終○逃○世○犢○鼻○窮○來○且○任○真○
莫○羨○巖○栖○厭○塵○市○與○君○元○自○出○風○塵○

○題長蘆次醉閣

爲○愛○檀○園○開○北○閣○兩○回○三○宿○小○房○櫳○坐○深○曲○洞○香○燈○焰○
睡○美○疎○櫺○曉○日○烘○白○拂○花○飛○方○丈○雨○素○屏○灘○響○一○床○風○
但○名○次○醉○猶○嫌○俗○合○作○禪○栖○住○遠○公○

○再過杭州訪許成之同鮑谿父話舊

湖○頭○城○角○雨○如○麻○宿○酒○殘○歌○夜○鬪○茶○自○笑○經○過○無○此○客○
欲○尋○好○事○更○誰○家○留○連○別○夢○猶○芳○杜○早○晚○歸○帆○已○棟○花○
人○事○年○光○應○共○惜○相○逢○爛○醉○是○生○涯○

○七夕懷平仲揚州

江○邊○一○別○兩○悠○悠○湖○上○相○思○且○滯○留○千○里○星○河○同○此○夜○

甘橋明月自三秋。無由結伴還鄉國。况欲因人作遠遊。
潦倒更于何地會。見君空已雪盈頭。

○喜仲扶弟高郵過訪阿防亦至

秦郵吳市兩茫然。兄弟相逢各問年。蒲柳過秋先似雪。
燈花初笑欲含烟。茱萸香冷羅囊後。叢菊寒生破帽前。
難值江城風雨夜。醉重姜被對床眠。

附句 短氣生涯新鬻硯。顏歸路老備書

路斷羊腸三月雪。灣連鶴頸一江寒。寒鴉古
木將軍第。螢火蒼烟帝子樓。投海輕雲峰頂
急挾泉疎雨。寺頭飛遠雁。如塵飛水面。亂帆
如葉下吳頭。野風颯颯帆移浦。江暗戎戎塔
表山。梅水白侵吳岫。闕蘆洲青斷攝山尖。

沙頭綠酒春聽鳥
潭面紅粧曉看魚

婁 堅

○寄孟陽 三首 錄一

君家庖饌出須臾。亦見在家經濟待能使吾曹與不孤。

若待兼珍才下筯。何如斗酒便呼盧。清歌徐點當筵拍。

半醉還開挂壁孤。似此風流人在遠。料儂應得好懷無。

○君山懷古

濕雲閣雨四山涼。與客裴回話夕陽。哀郢若令還故宇。
封吳無復啓新疆。亭高空翠來疎豁。潮壯浮洲沒渺茫。

一自延州觀樂後。至今文采擅江鄉。

○首夏賦贈孫容宇兄

歲晚為隣暇。即過綠陰庭。戶正清和向。來猶自春寒在。
却後其如暑雨何。盍把桃枝迂野步。頻煎麥顆詫陽坡。
詩書信是兒孫業。老伴相逢只嘯歌。

附句

長日風花宜話別。貧家蔬果易留賓。

素業有傳堪世外。秋山無伴亦風前。收麥村

邊飛葉暮鳴鳩。聲裏熟梅天。雲薄看收新穫

稻霜遲催。肇晚開棉。月淨慣中秋。半酒春和

好。虐夜

深。碁

李流芳

○錫山夜別閑孟子。薪彥逸及從子。宜之兒子。抗之

二首

其二

繚亂鄉愁一夕生。燭殘酒醒柰深更。隔船安穩歸人夢。

羨得前路迢遙去客情。江月又催征棹發。寒雞不待寺

可悲鐘鳴。十年分手梁溪路。但覺衰顏負此行。

○答仲和韻

練祈南下水村賒。一路秋風吉貝花。到市鐘聲知寺近。
過橋柳色逐門斜。貧能好事無如我。老解求閒有幾家。
若肯重來留十日。不辭淡飯與麤茶。

葛一龍

○烟雨樓

烟雨樓頭春乍晴，鴛鴦湖上鳥嚶嚶。中浮片席空三面，
斜抱千家截半城。不須看畫漁網曬來風柳變，酒船搖出浪
花生。夕陽慣照憑闌妓，一抹遠山紅袖明。

○送楊修齡先生開府南贛

薊北新烟上柳條，虔南晴雨散花朝。月高烏府彤弓滿，
潮湧青城玉馬驕。江派九分憑四履，風聲一樹格三苗。
還知不淺樓頭興，禮接詞人是下僚。

○韓孟郁熊羽人夜飲寓齋賦別

紅燈炙酒花氣酣，細雨細風香濕簷。春殘復作有情別，
官冷得于高臥堪。一片沙黃分薊馬，千家柘綠養吳蠶。
知君不問中人產，何處好山無半龕。

起止磊落矯矯若無意而氣韻特老

○送王梧州

畏從將別復銜觴，明發蕭蕭馬上郎。路去九千唯孳子，
年過五十始賓王。嵐香作瘴持紅玉，海氣生炎化綠霜。
才大急公趨莫懶，夜堂分燭照桄榔。

○東郊卽事

榆青碎點水浮香，蝶綵雙飛燕乳忙。
五里出城三日約，一年爲客幾逢場。
林嘶鐵色連錢馬，井汲銀餅素練娘。
醉倚東風春面面，桃花亭子送斜陽。

附句

路花香散誰家酒，海樹晴窺傍驛樓。

攬槍落處空南牧，鎖鑰留中重北門。

屐自郊翠剝啄一聲誰餉茶，烟雲屬部神仙

吏風雨淋漓瀑布圖，楚色易寒分雨掉鄉愁。

難曙捲簾窓，倒懸鵲樹

秋相擊近長鷗，沙水不親

○沈德符

○邢州道中

雞唱鴉喧雁徼遙，蕭辰頓轡慰無聊。
衰翁態愧廉頗里，國士心傷豫讓橋。
雪岸渡冰鴻偶跡，霜柯曝日鳥仍驕。
褐衣入趙空懷璧，那得傳看到細腰。

結有姿韻

○送岳石梁中丞再撫順天

二首 其一

發弓臥鼓護皇州，曉幙重開舊碧油。
壁壘又新承號令，貂蟬自昔出兜鍪。
書騰大捷朝磨盾，火報平安夜上樓。
拓地定教過肅慎，鑿無間外不防秋。

○寄南太常吳公行可

時敘蜀公晉二級 三首其三

妖氛萬里暗蠶叢，手挈三巴獻漢宮。
井絡參旗仍設險

見鐘雁鼎未銘功。乘城歲月量沙裏。借筭山川聚米中。
白帝久平新第賞。可知吳漢是元戎。

冬日常園

四首
其三

爲歡晏歲未全稀。敝榼長罌貯滿扉。加飯書勞雙鯉遠。
號寒身媿一蟲微。蘭因愛煥絨窗護。梅不嫌貧趁屋圍。
田舍過從多雅語。錯呼龍具作牛衣。

集中和至百十六首。此首較平而氣不纖碎。故錄之。其他微字如扶藤佐蹇行。裝簡劘藥支。羸食料微媚籬。權只終朝艷束。益荷纔具體微。骨魚擲處漁菴小。村犬聲中積火微。蕩漿波分綾纈。碎沾簑雨。襞繭絲微。裏箬袴開。茶乳活登梓。拳剖蕨芽微。圍字如風樹怒號。楓鬼語冰天林。

立木奴圍狂多袖。汚春千骸病起簷。寬帽一圍石。或有憑能晉語人。因偶似受匡圍村社。晝陪三老賽伶場。睛看萬人圍書廡。蛩語常通夜。甚禽荒更一圍。高談有塵非松代。曲宴無昇以菊圍。口有玉緣新筍供。腰無金福敝緜圍。皆有俊思。

永平

蜂蠆雖微毒尾存。妖氛左輔尚游魂。童謠已應臨瓜步。
兒戲何煩勞棘門。清野後時姑避地。量沙難飽又移屯。
杞憂倍念昌平鎮。弓劍先朝列寢園。

送李玄白都運之揚州

四首
其四

度支聖世借前籌。誰似江淮地望優。宰相杜棕充轉運。

司徒王導領揚州

盛唐家數王李門風

軍需西北勞臣勸民力東

南國士憂餽饋古來功第一進賢何待鄂千秋

讀史有懷再次梁孟昭韻

四首其一

謾論人爵與天官，三界茫茫住孰安。王母姿妍多虎齒，麻姑饌侈及龍肝。佛非果位乘終小，仙出癯儒骨尚酸。未欲上昇真快語，且留塵世恣為歡。

曹公器小猜雞肋孝武仙遲諱馬肝皇罾梨園唐穢雜帝衣火浣晉寒酸登銅臺春神鋒儻惜寶厨書習氣酸迎妾渡邊江面喜望夫天際石腸酸晴久窗臨春帖燥煖深閨進夜餽

○送高寓公令遷安

詞人得路屬時艱，畿令名超法從班。孤竹園中分四履，扶桑海外轄三山。雕盤朔雪時依磧，雁習華風不度關。近輔定陪沙苑獵，便將十事答天顏。

○秋墅十首

其四

風露清虛入想新，穩携藤杖岸練巾。文章艸畔縈書帶，杼軸雲邊出美人。雖涉組紉尚未傷雅曉角層樓天一氣，夜幢疎磬佛三身。漸驚芳樹違鶯友，古木昏鴉此卜隣。

附句 奔師筆伍旗為鎧空場飛燐突不烟 高座道人無漢語柔然宮主不華言 十有九

華達世具百無一是治生謀 詩材槩裂拖藍
木畫本帆移破墨山 鯨張帆勁潮痕縮蠟築
房深石齒牢 海舶檣危栖燕婢官厨鮮美薦
蝦姑 偶然欲醉君難去何者為賓我不知
鄒彥吉沈虎臣二先生皆大家也然有流宕之
句亦不可不簡鄒如芴岫為羣從前峰是上賓
雲白非衰相楓丹有少顏槐柳列行如定位藻
蘋相結似深交帶蓋移花拚割愛截梢留竹忍
分身之類沈如楓葉霞能事蘋花雨勝場庭荒
蕉敗衲窓破紙哀箏共鷗交半世與水約三章
計口賦蔬貧令甲把書行藥病神通之類晚唐
濫觴何異譚科戲對詩雖不必拘拘漢魏盛唐
然醞籍之與淺俗渾雅
之與麤鄙不可不辨也

尹 伸

○華山

盤空歷歷轉嶙峋，便道閑情亦苦辛。
鼻攀來絕壁，是猿身。蒼龍嶺上千尋瀑，白帝祠前十丈
塵。因笑圖南一杯土，嶽雲原不解留人。

○和壁上乾陵作

荒原落日草凄然，陵墓猶稱武則天。
晉陽遺業一絲懸，生前只合愁為鼠。地下重開不是蓮。
數局賭回唐社稷，梁公奪得翠裘鮮。

○抵里四首 錄

老至諸緣頗漸輕，休官却為適閒情。
尚平但未知生歟。

韓子終慙有姓名。兒解買山先卜宅。友能載酒日臨杯。
扁舟匹馬時乘興。石風磯頭春水聲。

米萬鍾

○暴經石

祇緣覺世垂文字。不道茲從避世刊。字僻只供天眼閱。
文閒惟共鳥書攤。石當過暴翻多剝。經以難緝遂易殘。
底事有生須有滅。何如空色付無端。結俗

周 祝

○送顧觀察道行之任山東

津亭柳色覆吳宮。擁傳遙看馬首東。新領法冠元柱後。
舊曹啓事久留中。海山筐篚通夷道。齊魯詩謠辨國風。
心向清時應戀闕。故園莫憶桂花叢。

鍾 惺

○合江舟中早發

日疊寒流次第明。開牕剛見半江晴。迎舟亂渚如還往。
隔水羣峰互避爭。不覺鳴榔先午夜。怪無擊柝續殘更。
披衣驚失舟棲處。百五飛湍夢裏行。

○雨發裕州

歇馬驅車每夜分，關雞曾未夢中聞。雨餘殘月去塵久，
露下寒星照客勤。蟲自亂鳴非屬和，鷗於相值偶爲羣。
生來澤國安卑濕，連日南行皆水雲。

、花山禮銅殿

是僧妙峯造

一路陰晴屢不分，山中風候易紛紛。村過數日無紅葉，

江近雙峰似白雲。

名句初獲

蛇虎夜深求懺度，鼓鐘人定示

聲聞。可憐世外僧經濟，金火須臾歷劫勳。

再登浦口王茂才山樓，望石武庫澹寧所造新城。

水上樓居忽有城，重來翻覺類新成。鶯花每次逢長夏，

風日無端屬乍晴。

泛然時序語與題何干

山對層楹還自若，江添

睥睨倍多情。亂帆屢向煙邊沒，去遠參差却漸生。

結語寫景

如畫但題是望新城不應如此收拾

○九日携姪昭夏登雨花臺

節物登高雨未成，閉門聊復愛其名。客邊難見重陽好，
郭外剛傳此日晴。子姪漸親知老至，江山無故覺情生。
悲秋欲問秋何處，絲肉叢中一雁聲。

○過王幼補感賦

老來相對似殘冬，親串雖存漸下春。喪子君猶餘碩果，

為官予已見龍鍾。鹿柴無恙經年別。雞黍依然舊日供。
但得長留衰病在，莫辭郵市互過從。

○友夏歸同賀可上及五弟快訪之

親健家安又故園。依依帆影戀前村。甘遲上國三年薦。
喜共寒河一夕言。遠友來逢書劍返。小童迎報菊松存。
時情遊倦初看斷。明眼閒心好閉門。

附句 風送白魚爭入市。江過黃鵠漸多磯。

高情恕我嗣音少。畏路憂君作事奇。如子自

無煩富貴傷人未免重科名。霜後芙蓉猶有

露。冬前楊柳暫為烟。殘陽漸去方知水。草

際螢光如曉露。葉邊蟲響作秋山。隔烟柳色

先秋事待雨。荷香欲暮天。師友剛離逢病日

那家多故羨歸人。在竹露沾星下影。出林鴉

帶夜來聲。為官興盡仍求友。送客情深欲到

家。長途亟亟相思

友。暮景倦倦未刻書

譚元春

○過利西秦墓而弔之

來從絕域老長安。分得城西土一棺。斫地呼天心自苦。
挾山超海事非難。私將禮樂攻人短。別有聰明用物殘。
行盡松楸中國大。不教奇骨任荒寒。

○庭前冬艸同諸子咏

冬氣先從湖上冥。草根何幸托閒庭。茸茸一任林霜落。

寂寂長無野火經。袖手人誰分。欵坐驚心客。似在離亭。
別將幽澹開天地。節候翻如向此停。

○漁仙寺

竹外藤邊深淺行。近來焚剪得山情。纔開古洞禽知路。
盡復禪居虎夜鳴。泉道冷然離磴去。石梁竒絕爲樓生。
細將理數思興廢。更上一層春水明。

附句

夕烟河上黃茅屋。秋雨橋邊白小魚。

雙鶴詩分餐似客朝。收釣假寐如僧立。夜禪

溪山頗好嗟空返。師友新亡愧獨存。顛須從

衆嘲難止貧不依人餓有餘。弄子笑啼羣務

在課僧鐘磬一官閒。溪流沸

火寒三鼓雨。雪深衙隱一峰

馬之駿

○得陶路如卽墨書却寄

懷人縹緲蜃樓孤。閉閣書聲出畫圖。香稻霧中移步履。
古槐烟裏挂腰符。山氓陋有齊風否。海族甘如越郡無。
聖主欲封須久借。更分新履到方壺。

唐時升

○程相如奉詔諭暹羅等八國還居錢塘

扶桑日出夾朝霞。海外侯王擁使車。帳下蠻奴臨漢宇。
燈前妓女按胡笳。携歸貝葉供詩草。采得芙蓉比劍花。

每對江濤思戰處。三千組練列平沙。

吳鼎芳

○北菴夜歸

欲暝未暝開菴鐘。出林入林辭遠公。亂峰幾點白雲外。
古路一條黃葉中。版屋已高隔水月。布帆正飽還山風。
孤雛老樹自深夜。襤褸突兀柴門東。

何喬遠

○送徐司理之景東郡丞

灘水滇池共斗杓。西南天地去非遙。竝嘶五馬蠻君長。

白領千牛漢吏僚。刻葉成書通點畫。賦繙入貝代賓籛。
稜氛濮柘由來郡。總待清風一路消。

○湘南雜興

桂林秋色滿清湘。天畔登臺百粵長。南入交州多惹荔。
東來海國有扶桑。雲游衡祝窺三楚。風馭羅浮限五羊。
鴻雁稍梁無信息。不知何地望江鄉。

○固關

井陘東盡望崤陵。文物山川憶代興。上黨太行天下脊。
董狐師曠晉之乘。極典極韻神京右臂襟三輔。羯虜雄關冠

百層欵市羈縻滋歲月，戈矛難聽繡鋒稜。

蔡復一

答汪宗蘇山人用韻

白毫偏傍少微光，蘭佩兼携薜蔔香。春草霞城擒入卷，
夏雲天柱襲爲裳。從師我欲傳秋駕，窺漢人應笑夜郎。
對法新但有新知足千古，浮家何處是他鄉。

無題

曾寫新宮企字銘，藥珠雲盡見娉婷。嫌寒天上輕辭月，
愛小人間暫喚星。夢草戀衾秋露白，司花侍輦曉烟青。
麻姑擲米丹砂就，調笑依然遇蔡經。

方震孺

○丁卯中元余在繫經三中元矣

黑海中元三度過，青山一望淚滂沱。浮生幾日仍衣食，
怯夢頻宵亦網羅。心上孟蘭依古寺，天邊墳墓近淮河。
荒原秋艸知蕭瑟，况復傾巢江上波。

○惠元孺給事自北司來骨體皆破碎時逢其初度
淒風苦雨逼佳晨，欲頌南山淚眼新。天際鄉園雙白髮，
坐中形影兩陳人。銷亡舊侶多臺省，呵護餘生仗鬼神。

未必海天羅網密，江湖亦自有疎鱗。

何吾騶

○初冬同諸子載酒西樵白雲洞

爭幽屢日漫憑凌，却度闌華得未曾。
天上玉關吳苑練，雲間鐵壁雪門僧。
懸崖倒影愁傾綆，掃石孤瓢引裂冰。
每于對句出奇促膝流觴千古意，罡風吹送酒如澠。

高出

○允修山陵還作此奉問

西山積翠抱長安，銀海瓊泉勢鬱盤。
千樹春雲陵寢覆，

萬年仙月侍臣看。旌旗羣帝迴鑿合，風雨諸陵委佩寒。
司馬相如消渴甚，欲因多病乞祠官。

張燮

○彭城懷古

亂山斜控霸王都，叱咤諸軍似可呼。
戲馬臺空成故壘，沐猴冠在亦雄圖。
鴻門有約虛憐范，楚水無情自泣虞。
客子頻來多少恨，傷心不爲夜啼烏。

○感事簡吳亮恭

世途跼蹐易生塵，儒素蕭條誤寄身。
樵路揮金裘五月，

酒鑪擊筑劍千人。清矯絕倫鴻冥自遠疑猶慕，龍性從潛或

未馴，不是逢君分斗水，誰憐東海有波臣。

方孔炤

○家肅之弟龍井

草堂曲抱水淙淙，草色因春暮更濃。舷外扣龍疑碧落，
瀑西招鶴下青松。谿衍懸檻能藏壑，宛轉前林巧露峰。
遙愛陰森幽澗合，况逢蘭若有清鐘。

○九華山六首其六

山山藏樹樹藏菴，偶起青烟便結嵐。十丈洞深迷日馭，

五义松古傲霜駮也。聞瘦虎歸黃面，尚自潛魚戀綠潭。

一百六峰皆露地，中年湖海早抽簪。

附句 倚磴有亭皆石護，喧門無澗不泉飛。

遍嶺松雲常曉合，平床竹屋是泉圍。林光暗

屋衣裳懶浦氣

迎朝日夜多

韓上桂

○夜坐黃與東西堂

無數水光浸滿堂，玉壺爽氣連天荒。一雙白鴨聽人語，

百尺青棕似我長。北斗下垂六七點，南華偶讀兩三行。

此中嘯傲翛然足，休問人間滄與桑。

清傲如孤
松老鶴

俞安期

○遊玉笥山

絳霄朱烟鬱白迴，鳳鈞長集九靈臺。天垂玉笥丹經出，
山擁珠宮羽駕來。玄夜銀光成瑞燭，青春石髓接僊盃。
氤氳忽遣明霞散，清切真看帝座開。

○登上霄峰是庭山絕頂

四首
其二

風振仙衣出白雲，青天絳氣上氤氳。爭趨大壑千江定，
纔入中峰兩郡分。從分野中峰隔刊木鴻荒懷禹迹，懸

崖鳥篆辨靈文。滄溟東去知非遠，食李曾過度索君。

○龍君揚有備兵督學辰沅報期予同往志喜

南徼炎蒸萬里臺，霜清使節藉君來。戍連谿洞多蠻部，
士得黔巫亦楚材。儒術能兼司馬法，主恩寧負樂羊才。
書生尊俎論兵事，趨走今看幕府開。

○望海

四首
其二

紛紛靈異變昏朝，陰火隨波遠自飄。龍藏函經連水府，
蜃樓開市借雲霄。星臨東極無分野，山入南荒有沃焦。
名貴日日潮來嘗應候，似應西畬百川朝。

○寄屠長卿

劇藥尋仙事豈疎。名山依舊四明居。丹房自下菱鞋綸。
玉笈兼探宛委書。芝蓋如雲驅赤豹。蘭沙成霧駕神魚。
烟熅東海求靈氣。渺欲攀援八景輿。

○聞周國雍以順慶守擢建昌兵備進平西南夷遙

寄三首
其一

總爲征蠻事武功。翻從借文翁。深浮黑水蒲江盡。
懸度青天熨道通。笳馬全教歸漠北。竹王那許擅南中。
乘邊更欲開新郡。露布先飛入漢宮。

○遊獻花巖飲星槎閣

雲嶺紆迴石磴斜。鳴夷偏戀遠遊車。閣臨星使乘來樹。
巖墜天姬供後花。林上雙燈懸日月。壑中初地領烟霞。
浮生久醉聲聞酒。縱飲猶過帝釋家。

○寄周國雍憲長于臨洮

二首
其二

金城絕域晝蒼茫。白日陰陰隔隴長。雪後旌麾秋逐虜。
雲中燎火夜搜荒。桃花東道來天馬。木葉西山見玉狼。
不耐因君懷出塞。笛中新曲奏伊涼。

李善徵憲使備兵湖北賦贈

二首
其一

西南天地淨烟沙。按部迢遙建虎牙。佩劍吹霜盤瓠樹。
樓船乘月武陵花。要荒通賦賓千里。戰士歸農井萬家。
金鼓經秋長自臥。風清壁壘但聞笳。

登祝融峰

四首
其二

中天積氣入清涼。雲霧翻看地混茫。雨挾蒼龍奔下嶺。
星懸朱鳥定南方。何年石篲藏金簡。自古山祇禮赤璋。
壇上長流青玉乳。神池高捧帝臺漿。

徐遵湯

○招隱詩

揮戈擊楫與誰論。明喆今知靜者尊。木借不才逃刳斧。
蘭寧獨立避當門。遠僧宿諾留筇影。名嶽尋盟記履痕。
若待買山錢足後。又愁芳艸繫王孫。

○又

閉門戲弄兩僚丸。石火光中作曠觀。撲滿蓋藏渾未富。
石農園叟是何官。魚鬚撥棹同江遠。鶴背粘天見海寬。
最愛龍丘高臥穩。客星猶訝混漁竿。

補遺

陳繼儒四首

陳繼儒

○題錢侍御小輜川

家去園無百尺餘。登臨猶自上中車。青山有政修僮約。
紅袖含香捧道書。看竹客馴啣字雀。採蓮舟引聽歌魚。
王裴底事偏耽寂。花落花開自掃除。

○新秋

門掩秋風任寂寥。荒原落日草蕭蕭。獼猴趁月窺山果。
鳥雀驚人下黍苗。華屋珠簾嬌白苧。疎燈角枕怯冰綃。
閔來偶渡前溪口。柳葉菱花一尺潮。
一結
媽狀

○泖上登塔

四面空波捲大荒。中洲有寺繞垂楊。水扉風送青蕪色。
石塔烟籠白寶光。虹氣吸雲疑海市。神燈騎浪渡魚梁。
臨流無限懷人意。愁殺蒹葭一夜霜。

○友人納姬

仙女吹簫忽下樓。問年十七尚含羞。五銖錢串同心結。
百和香勻半臂鞦。鏡裏見人驚却步。夢中索母學梳頭。
起來笑點花簪戴。多子先教採石榴。

